

貳臣傳 六下



漢書門  
二  
三  
四  
五  
六  
七  
八  
九  
十

內閣文庫	
番號	漢 2304
冊數	20 ( 12 )
函號	290 42



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







召入京十一月擢禮部右侍郎

賜鞍馬二年六月奏進淄川縣賦冊言明

季賦稅煩重小民舊苦加徵臣邑如北他

邑可知謹議應徵應減二冊祈

敕各撫按臣如式編造使部中執有定額

民間知有定數尋復條陳四事一曰

本朝制作維新宜辨等威別上下使臣民

共守一曰明季諸臣往來宴會結党營私

欽定

卷六

辰

諸惡習宜懲一曰宜

菽學臣勿縱生儒挾持官府武斷鄉曲一  
曰兵燹後書籍多殘宜搜輯遺編以惠束  
許既皆下所司議行時英親王阿濟格既  
定九江府奉

詔班師令副都統佟岱稽投誠總兵金聲  
桓駐守之獬奏請往任招撫奉  
命以兵部尙書銜招撫江西八月給事中

許作梅王守履等劾大學士馮銓賄囑之  
獬以其子源淮充招撫標下中軍官並追  
論銓與之獬及侍郎李若琳皆魏忠賢逆  
黨事下法司詰問睿親王復博集銓若琳  
及科道各官面質以行賄無據前朝舊事  
不當追論十二月給事中郝璧劾奏之獬  
前此自請招撫疏內稱忠無不竭知無不  
爲勇無不決今江右版圖大定襲已成之



實自傳 卷之  
勢爲救寧之道旦夕可以報効而之獬勿  
卽宣布

德意受事七月無一事入告與前疏大相  
刺謬其懷欺無寔與縮腦不前二者均難  
辭罪

詔之獬明白回奏三年正月之獬疏辨抵  
任後巡視已定郡邑釐賦籍職官屬綏輯  
人戶遣官黃彬等分路招徠曾三疏脩陳

情狀未知實迹何以稽遲至廣信建昌二  
府貢固抗拒吉安撫州旣降復叛有江寧  
大兵助總兵金聲桓進勦可次第奏績疏  
入

命之獬還京先是之獬至江西金聲桓受  
節制積不能平至是劾之獬擅加副將高  
進庫劉一鵬總兵銜帝恩擢釁又言諸將  
不力攻贛州由之獬主議招撫故咸懷觀



望得

旨令之獬回奏之獬奏言前者副將高友才陣亡聲桓欲以高進庫總統兵馬臣念攻取吉安責任非輕因劄委總兵繼聞劉一鵬怨望臣念高友才以眾將不和孤軍進戰殞命乃亦加一鵬總兵銜令率本營兵偕進庫立功以示鼓舞以弭讎端于是進庫以六月不援之堅城一月取之臣身

任聞寄專擅之嫌所不敢避尋至京復自陳招撫南康巨寇王國棟高挺郭賢操等解散賊党數十萬

上以之獬所陳及聲桓所劾事

敕部核議部議之獬久任無功而恩沾譽應革職為民

詔如議之獬既家居值土賊謝遷劫掠長山章邱諸邑覬踞淄川密結城中奸民丁



可澤等爲內應四年六月遷合五百餘賊  
犯城之獬率家人登城禦守可澤啟門迎  
賊之獬知賊已入城急馳歸自縊賊解其  
縊復甦罵賊不屈遂與其孫蘭滋蘭藹等  
男女九人並遇害山東巡撫張儒秀爲請  
卹下吏部核議侍郎陳名夏金之俊謂之  
獬抗賊遇害應復原銜循例予卹侍郎馬  
光輝啟心郎寧古哩謂之獬旣革職爲民

不應予卹

上以陳名夏金之俊議卹非例不准行之  
獬子伯齡順治三年進士官至左通政

李魯生列傳

李魯生山東雷化人明萬歷四十一年進  
士歷知刑臺邯鄲儀封祥符四縣擢兵科  
右給事中天啟初由大學士魏廣徵引謁  
魏忠賢列十孩兒之一忠賢每假中者黜



陟朝議憂之魯生獨上言執中者帝用中者王旨不從中出而誰出時忠賢惡經畧孫承宗魯生日承宗所恃者重兵宜以缺餉爲名汰軍以撓其權忠賢乃矯旨汰承宗所轄兵省餉六十八萬四年蘇松巡撫周起元劾叅政道朱童蒙貪虐狀魯生希忠賢意劾罷起元大學士韓爌忤廣微罷去魯生復劾之削爌籍五年正月疏薦阮

大城等十一人復代主事曹欽程草疏劾周宗建黃尊素等因令薦已轉左給事中會內缺人詔推老成幹濟者忠賢欲用馮銓而銓資淺年未四十魯生因疏言成卽爲老而不必老乎年幹乃稱濟而卽有濟于國銓遂入閣六年忠賢盡毀天下書院保定知府祝萬齡議不宜毀魯生劾其非聖誕天落萬齡職七年晉太僕少卿銜崇



續初忠賢既伏罪給事中汪始亨疏劾之  
曰科臣李魯生諂事故關魏忠賢由座師  
魏廣微引進凡廣微領善善類魯生悉贊  
成之此投身之第一處也二魏交懽同謀  
殺人魯生甘爲廣微伏籠之犬及見楊璉  
左光斗酷刑垂斃廣微佯疏救大拂閣意  
魯生亦棄廣微而竄入馮銓之門詔推閣  
臣務求老成幹濟而魯生頌銓成卽爲老

幹卽爲濟此投身之又一處也崔呈秀賄  
囑吳淳夫力攻罷銓魯生飽颺飛去又不  
肯事銓矣呈秀其死友也魏良臣其義兄  
弟也良卿欲請托鸞青矜魯生卽傳之學  
臣李蒲居間過付賍私狼籍行道皆知此  
投身之又一處也忠賢用事時魯生與試  
湖廣發策詬楊璉因歷試屈原宋玉逆案  
既敗又欲依附清流爲璉等上疏免賍與



圖掩飾遂得職任如故於國法為不平於  
鵠班為有玷疏上給事中顧繼祖御史張  
三謨等復交章發其奸入逆案第三等謫  
山西平定州遇流賊李自成亂遁歸鄉里  
本朝順治元年六月偕其鄉人斬流賊所  
置當化偽知縣李調鼎赴招撫侍郎王鰲  
永納欵鰲永疏薦得  
旨錄用魯生遂至京十月授順天府丞二

年七月遷府尹三年五月以年已七十有  
五乞休

允之先是

恩詔錄七品以上京官子弟各一人由附  
生充監生由廩生增生充貢生至是給事  
中林起龍疏劾順天學政曹溶所送貢生  
王鎮遠係明武舉下部察議溶坐濫舉降  
調以鎮遠由魯生任府丞時印冊考送革



魯生爲民尋死

土國寶列傳

土國寶山西大同人明總兵  
本朝順治元年投誠以原官錄用適內黃  
有土賊王鼎鉉蘇自興鄧名揚等國寶奉  
大名道張之俊檄同署總兵王燦勦擒之  
二年隨豫親王多鐸定江寧王令同侍郎  
李率秦招撫蘇州松江諸郡遂奏授江寧

巡撫國寶以武人不習文事疏辭得

旨慰問時明總漕田仰踞崇明犯福山國  
寶率中軍副將曹虎等擊敗之俘斬甚衆  
明職方主事吳易當史可法督師揚州時  
爲監軍至是竄太湖適受明唐王朱聿鍵  
官爵國寶招之降不從因檄兵防勦會松  
江副將杜永和擒偵卒國寶詰之言蘇松  
諸生王伯時及文震孟之子文乘皆易黨



謀內應國寶縛二人殺之籍其家  
上以伯時乘非陣擒者比宜錮禁請  
旨切責國寶擅殺下所司察議坐降調四  
年八月  
命以布政司銜管江南按察使事五年五  
月仍授江寧巡撫蘇松常三府白糧明季  
貧民戶輸運民以爲苦至是復明初官運  
舊制國寶言民戶一遇僉點往往傾家今

改官運一切皆給于官而經費不敷請計  
畝均派運費民皆樂從

諭曰僉點固屬累民加派豈容輕議下部  
察議官運經費果不敷否部言經費未嘗  
不敷惟嚴絕尅減虛旨謬弊則用自裕點  
國寶奏不行華亭縣有義田四萬八百餘  
畝明光祿寺署丞顧正心置以贍宗族助  
差徭者國寶初撫吳卽令有司收其米四



萬三千餘石給兵餉及國寶降調周伯達  
代爲巡撫以改充織造匠糧入奏戶部議  
令察勘義田在明時曾否題明創置者有  
無子孫至是國寶以寔撰奏戶部尙書巴  
哈納謝啟光等核議義田所以卹貧助徭  
非入官之產宜仍令願正心子孫收穫至  
兵餉匠糧皆有正項取給其擅用義田米  
着國寶償還六年國寶疏請加派民賦佐

軍需給事中李化麟疏言加派乃明季弊  
政民窮盜起大亂所由我  
朝東征西討興師百萬未嘗累民間一絲  
一粒今國寶遽議加派開數年未有之例  
滋異日無窮之累

上復黜國寶奏不行八年十月巡按御史  
秦世楨疏劾國寶藉增造營房名于蘇州  
府城按廛納稅歛銀數萬兩又逾額濫設



胥役婪取銀數千兩嘉定知縣隨登雲爲  
拔富之術每指富家爲盜党入財乃釋以  
所得給中軍叅將鄒錫祥納之國寶左營  
遊擊楊國海國寶甥也市私鹽及硝磺月  
饋國寶銀三百民間因有土埋金謝土好  
之謠疏上

命革國寶及登雲錫祥等職下總督馮國  
柱同世楨訊鞫國寶將就遠畏罪自徑死

鞫證皆寔追贓入官

魯國男列傳

魯國男順天大興人明昌年副將

本朝順治元年英親王阿濟格追勦流賊  
李自成于山西國男詣軍門降委署總兵  
官二年正月因大同總兵姜瓖擊賊賊党  
高一功于保德寧武一功遁復其城尋隨  
征陝西收復榆林延安陝西平入京



陞見八月授永平中協副將四年遷正定  
總兵加都督僉事五年疏言恒鎮爲京師  
咽喉額設三營轄大名廣平順德正定四  
府今大名賊猖狂深州寧晉饒陽武強之  
間土賊充斥東路梗阻正定差務益繁兵  
已不敷防護若復分勦益單弱請于順德  
廣平大名三府各增兵于專將統領防勦  
本屬此地臣統精銳往來馳擊庶無顧此

失彼其增設之兵就近于保定宣大山海  
關等營進撥應用另募補伍

詔如所請行時山東曹縣爲土賊李化鯨  
所據國男奉

命會勦克之六年姜瓖叛從逆副將林世  
昌以逆書僞檄投國男國男指之並首其  
書檄得

旨褒嘉七年山西土賊張五桂王大平等



犯龍泉關守備梁士治等禦之賊屢進關  
危甚國男往援出長城嶺至石嘴賊惧奔  
山國男率遊擊吳應彩等追抵吳家莊賊  
據西寨我兵直上擊之破寨五斬偽將張  
奇劉定等俘獲無算下部議叙紀錄二次  
八年三月奉總督張存仁檄會勦山東榆  
園賊渠梁敏等至開州搜勦何家寨苦耽  
村積賊復破開州東南一帶單家寨李家

莊賊巢十月會總兵孔希貴張大治兵擊  
賊老營適邊水驟發賊奔竄斬梁敏等十  
一年刑科給事中張時成列款劾國男貪  
淫殘縱狀

詔下督撫嚴察得寔革職十八年山東巡  
按朱裝疏劾國男發兵後恋居臨清信州  
事應勒令回籍從之尋病死

周亮工列傳



周亮工河南祥符人明崇禎十三年進士官御史流賊李自成陷京師亮工間道南奔從明福王朱由崧于江寧

本朝順治二年豫親王多鐸兵下江南亮工詣軍門降奏授兩淮鹽運使三年調揚州兵備道四年遷福建按察使尋遷布政使十一年授左副都御史十二年疏陳閩海用兵机宜言浙之湖州閩之建寧江西

之廣信爲山賊出沒之地與海賊聯爲聲援廣信去衢止百里宜令浙閩總督兼轄庶軍机可以無誤至海賊以廈門爲窟穴宜密

報廣東督撫令潮州鎮兵合勦往襲其後更請增設水師以防海口疏下所司議行又請斬鄭芝龍停招撫鄭成功決意進勦疏入報



聞既而福建巡撫佟國器奏獲芝龍與鴻  
達及成功交通私書芝龍伏誅遷亮工戶  
部右侍郎亮工任按察使時福建武舉王  
國弼及生員馬際昌穆古子蔡秋浦蔡開  
南史東來等創立南社西社南社黨類繁  
眾作奸犯科亮工申請督撫勘明定罪勒  
石南臺列際昌及餘黨姓名尋際昌秋浦  
國弼開南四人斃于獄是年五月督臣佟

岱抵任際昌等親屬具牒辯冤佟岱列亮  
工貪酷諸款以

聞

命亮工回奏尋解任赴福州聽質會海賊  
從閩安入內地焚掠南臺進圍福州城中  
騎卒僅數十勢危甚巡撫宜永貴從士民  
請以亮工守西門城賊乘大雨薄城亮工  
手發大礮擊殲渠帥三人賊怖解圍去城



賴以全事

聞下兵部以亮工係革職質訊之員未准  
叙錄先是亮工未就質時按察使田起龍  
等據證佐定讞謂亮工得贓四萬餘兩應  
擬斬籍沒及亮工至質問皆虛巡撫劉漢  
祚疑推官田緝馨等受賄徇情並逮送刑  
部十六年部議亮工被皆各款雖堅執不  
承而前此田起龍等已憑證佐審寔計贓

累萬情罪重大仍應立斬籍沒

上以前後辭證不同再下法司詳審十七  
年法司論罪如前讞

恩詔減等改徒寧古塔未行會  
赦得釋

聖祖仁皇帝御極

諭吏部曰周亮工被劾原案既多屬子虛  
前宜永貴疏叙亮工在闔守城獨當射鳥



樓一面擊死賊渠三人應否量授職銜錄  
用尔部會同刑部確議具奏康熙元年部  
議復亮工僉事道職起補山東青海防道  
五年調江南江安糧道人年漕運總督師  
顏保劾亮工縱役侵扣諸款得  
旨革職逮問論絞九年復遇  
赦得釋十一年死

錢謙益列傳

錢謙益江南常熟人明萬歷三十八年一  
甲三名進士授翰林院編修天啟元年充  
浙江鄉試正考官五年聽勘御史崔呈秀  
作東林黨人同志錄列謙益名御史陳以  
瑞亦疏劾之罷歸崇禎元年起官不數月  
洊擢詹事禮部侍郎會推閣臣謙益患禮  
部尚書溫體仁侍郎周延儒並推則名出  
已上謀沮之囑其門人給事中瞿式耜言



于主推者擯體仁延儒以成基命及謙益等十一人列上先是謙益主試浙江時所取士錢千秋首場文用一朝平步上青天句分置七義結尾爲給事中顧其仁舉發謙益先伺知卽具疏劾奸人金保元徐時敏敏爲作關節撞騙得賄下刑部鞠訊時敏保元皆遣戍千秋逾年始至亦論遣謙益奪俸至是體仁追論謙益賄賣關節不當

預送延儒亦言會推名雖公主持者止一二人餘皆不敢言卽言徒取禍耳莊烈帝御文華殿召諸臣廷辯謙益辭頗屈命禮部進千秋卷閱竟責謙益謙益引罪遂褫職下法司議以謙益自發在前不宜坐體仁復言獄詞出謙益手詔下九卿科道再勘乃坐杖論贖千秋荷杖死十年常熟人張漢儒許謙益貪肆不法巡撫張國維巡



按路振飛交章白其寃乃下刑部逮訊謙  
益嘗作太監王安詞託爲司禮曹化淳所  
知及獄急求救于化淳體仁聞密奏交結  
狀化淳時見信任自請按治刑斃漢儒且  
發體仁他罪狀體仁引疾罷獄乃解謙益  
削籍歸十一年流賊李自成陷京師明臣  
史可法呂大器等議立君江寧謙益陰推  
戴潞王常洵與馬士英議不合及福王由

崧立謙益俱得罪上疏頌士英功士英乃  
引謙益爲禮部尙書謙益復力薦閹黨爲  
阮大鍼等訟寃大鍼遂爲兵部侍郎而憾  
東林仍不時會捕獲妖僧大悲欲引謀立  
潞王事盡誅東林諸人謙益亦預焉馬士  
英不欲興大獄乃已

本朝順治二年五月豫親王多鐸定江南  
謙益迎降尋至京候用三年正月



命以禮部侍郎署秘書院學士充纂修明  
史副總裁六月以疾乞假得

旨馳駟回籍令巡撫巡按視其疾痊具奏  
五年四月鳳陽巡撫陳之龍擒江陰人黃  
毓祺於通州法審寺搜獲偽總督印及悖  
逆詩詞以謙益曾留毓祺宿其家且許助  
資招兵入奏

詔總督馬國柱逮訊謙益至江寧訴辯前

此供職內院邀沐

恩榮圖報不遑况年已七十奄奄餘息動  
履籍人扶掖豈有他念哀籲問官乞開脫  
會首告謙益從逆之盛名儒逃匿不赴楨  
黃毓祺病死獄中乃以謙益與毓祺素不  
相識定讞馬國柱因疏言謙益以內院大  
臣老歸山林子姪三人新列科目榮幸已  
極必不喪心負



恩于是得釋歸越十年死于家乾隆三十  
四年六月

諭曰錢謙益本一有才無行之人在前明  
時身躋臚士及本朝定鼎之初率先投順  
洊陟列卿大節有虧寔不足齒于人類朕  
從前序沈德潛所選國朝詩別裁集曾明  
斥錢謙益等之非黜其詩不錄寔爲千古  
綱常名教之大閑彼時未經見其全集尙

以爲其詩自在聽之可也今閱其所著初  
學集有學集荒誕悖謬其中詆謗本朝之  
處不一而足夫錢謙益果終爲明臣守死  
不變卽以筆墨騰謗尙在情理之中而伊  
旣爲本朝臣僕豈得復以從前狂吠之語  
刊入集中其意不過欲借此以掩其失節  
之羞尤爲可鄙可恥錢謙益業已身死骨  
朽姑免追究但此等書籍悖理犯義豈可



聽其流傳必當早爲銷毀其令各督撫將  
初學有學集于所屬書肆及藏書之家諭  
令繳出至于村塾鄉愚僻處山陬荒谷並  
廣爲曉諭定限二年之內盡行繳出無使  
稍有存留錢謙益籍隸江南其書板必當  
尙存且別省有翻刻印售者俱令將全版  
一併送京勿令留遺片簡朕此旨寔爲世  
道人心起見止欲斥燬其書並非欲查究

其事通諭中外知之三十五年

上觀錢謙益初學集

御題詩曰平生談節義兩姓事君王進退  
都無據文章那有光真堪覆酒甕屢見咏  
香囊末路逃禪去原爲孟八郎四十一年  
十二月

詔于國史內增立貳臣傳

諭及錢謙益反側僉都尤宜據事直書以



示傳信四十三年二月

諭曰錢謙益素行不端及明祚既移率先歸命乃敢于詩文陰行詆謗是爲進退無據非復人類若洪承疇等同列貳臣傳不示等差又何以昭彰瘴錢謙益應列入乙編俾斧鉞凜然合于春秋之義焉

魏瑄列傳

魏瑄山東壽光人明崇禎十年進士官御

史

本朝順治二年二月以御史傳景星荐授湖廣道御史五月巡撫甘肅疏言甘肅西接回番明代有市馬之例宜卽舉行以柔遠人資蕃息部議從之十二月涼州兵以索餉鼓譟劫叅議兵道蘇名世署名世同副將毛鎬獲倡亂者二十餘人瑄疏言西陲兵卒驕悍沿自明季內專事姑息致養



奸滋亂今宜嚴爲創懲有犯無赦得  
旨倡亂首惡旣經擒獲著核擬正法兵丁  
沿明季黨風肆行譁噪深可痛恨後有犯  
者首從皆駢斬着爲令四年任江寧學政  
七年還京掌河南道事八年二月漕運總  
督吳惟華請自輸銀萬兩復綜核各項羨  
餘得九萬三千兩解京助餉瑄言淮揚  
連年水旱惟華輸助並非出之囊中皆分

派屬吏而屬吏仍取自民間輾轉追呼狀  
難悉數乞

賜察究下部議會巡漕御史張中元發惟  
華貪贖狀遂逮訊惟華褫其職三月瑄劾  
鄖陽巡撫趙兆麟遇甄別大典荐舉文職  
多至五十餘員僅糾劾兩典史一教官荐  
舉武職亦有十一員而糾劾者僅一老病  
之守備得



旨申飭兆麟并誠督撫諸臣不得僅劾微員苟且塞責九年擢順天府府丞十年二月以大學士洪承疇荐

召同戶部侍郎孫廷銓太僕寺卿衛周祚入對五月遷大理寺卿疏言刑部持天下之平都察院執法糾正皆主問大理之職在取其所問者而平反之請舉行舊典凡事下三法司者刑部定擬後卽送大理寺

覆覈若罪不合律或情詞不明駁回再擬又言秋審待決之囚卽法司鞠允之案死者固鮮含冤但執法不敢不嚴原情不可不慎請

敕會審諸臣慎之又慎于矜減外復多緩決以副

欽恤之意並下所司議行先是八旗逆人屬兵部督捕至是部臣以樞務綦繁議歸



大理寺統之瑄疏言大理不設刑具無番  
兵捕役難督緝且訟逃者率入旗大員而  
大理少卿多叅領佐領兼攝卽正卿亦僅  
三品不宜董其事于是下九卿議增設兵  
部督捕侍郎如戶部倉場侍郎例別立專  
署所屬郎中員外郎主事司獄各官專理  
緝捕又言逃人日多以投充者眾不皆戰  
陣所獲本主馳縱成習聽其他往迨日久

不還概訟爲逃人蒙

睿鑒原宥犯逃至再罪止鞭百而重懲窩  
逃猶沿舊例論斬籍人口財產給本主與  
叛逆無異非法之平請

敕議寬減疏下九卿等議改斬爲流免籍  
沒六月瑄疏言窩逃之人斃于獄者其妻  
子應免流徙又言時遇熱審窩犯亦宜一  
體減等得



旨滿洲家人係戰陣所得故窩逃之禁甚嚴近已節次寬減止于流徙今逃人多至數萬所獲不及十之一魏瑄更于減中求減顯見徧私市恩下諸王大臣議處尋議瑄巧寬逃禁應革職論絞

詔從寬降三級調用七月補通政司叅議先是德州生員呂煌以窩逃事覺囑旂員呂猷忠行賄本主爲本主首告煌伏罪流

徙猷忠由兵部援

赦免議

上以事屬行賄不在赦款詰問革猷忠職命諸王大臣察究原議諸臣自尙書以下降革有差以瑄會鞫呂煌時同官欲坐德州知府佟昌年失察窩逃罪瑄倡言阻止并議瑄前曾疏請熱審減等巧爲呂煌寬貸應革職流徙奏入如議瑄尋死于遼陽



十七年

詔吏部列奏建言得罪降革流徙諸臣  
上以瑄情罪尚輕宥其家俾歸故里

潘士良列傳

潘士良山東濟寧人明萬歷四十一年進  
士累官刑部右侍郎

本朝順治二年以招撫山東侍郎王鰲永  
荐起補兵部右侍郎奉

命撫治鄖陽三年三月流賊餘党李錦犯  
荊州劉體純圍鄧州士良馳赴襄陽飭將  
弁分擊敗之降賊三千餘八月遣副將馮  
雄遊擊孔純仁叅將王光泰等勦土賊陳  
蛟之朱家寨蛟乞降散其眾十月疏言明  
襄藩世封襄陽原有山莊并護衛儀衛各  
屯今明藩已故衛宜俱撤前項屯地宜清  
查以佐



國用現委同知陶天培查出各衛所成熟屯地八萬四千六百餘畝照例每畝徵糧三升共糧二千五百四十石零卽以抵給道府各官廩俸人役工食之費又疏言皇上以各府同知通判多冗員令議裁併臣屬鄖陽府通判二一官糧一捕盜應裁管糧缺歸捕盜通判荊州同知二一清軍一坐鎮施州衛應裁坐鎮缺歸清軍同知

並襄陽府同知通判各一南陽府同知一通判二俱係要缺無庸議裁二疏均下所司知之十二月湖廣總督羅繡錦劾士良猶豫寡斷請別調用得旨潘士良既才不勝任不必又請調用尋敕士良解任回籍時鄖襄總兵王光恩以罪解京第光泰倡作亂戍署總兵楊文富及道府各官陷鄖陽事



問  
諭曰鄭陽被陷潘士良雖稱解任未經交代何所辭罪着革職尋死于家

李猶龍列傳

李猶龍陝西洵陽人明末由貢生官兵部主事福王時監左夢庚軍尋遷太僕寺少卿

本朝順治二年猶龍隨夢庚降英親王檄

猶龍巡撫江南安慶時江北之六安州英山霍山舒城潛山太湖河南之固始湖廣之羅田等縣及洋山橫山張山飛旂女兒等寨俱受明唐王劄付招叛兵爲應猶龍檄各路兵勦撫飛旂橫山各寨相繼降三年正月疏言潛山太湖二縣被兵十餘年民迹地荒雖蒙恩蠲賦稅之半其半亦斷難及額請再行



酌免從之四年改授天津巡撫五年三月  
巡按羅國士劾猶龍不能堵勦土寇致慶  
雲縣失陷請議疎防罪得

旨李猶龍着任俸戴罪督勦是時西淀賊  
首楊四海偽稱明熹宗太子糾眾倡亂有  
三河縣民婦張氏者自稱熹宗后與其党  
王禮張天保等造旂印及詔謀為應五月  
猶龍同總兵蘇屏翰密遣將弁擒之于西

沾事

聞下部鞫寔伏誅七月餘党在萬金伺郡  
城虛聚眾靜海縣之赤隆河通營兵為內  
應約朗攻城猶龍偵知飭將弁夜進勦斬  
賊首萬金並張相楊天瑞等八月土寇常  
元輔謀犯津東猶龍檄屏翰勦擒之時積  
寇尚多猶龍以招撫為名赴賊營會飲事  
覺革職十年巡視中城御史王秉乾疏劾



猶龍既經廢斥潛寓京邸不回原籍恐致滋事得

旨李猶龍著速回籍如再遲延定行按律究罪未幾猶龍死

王之綱列傳

王之綱順天宛平人明總兵福王時大學士史可法奏以之綱鎮河南開封府本朝順治二年豫親王多鐸兵下河南之

綱走江寧大兵渡河從沂城伯趙之龍降署徐州總兵時土賊散踞山險劫掠之綱同總兵蘇見樂擊斬賊任應乾殲其眾隨收勦龍駒嘴天門寺黃藏峪各山賊焚斃白土洞賊眾五百餘追擒賊王清宇徐庫趙世科孟宗玉等斬之徐州平入京  
陛見授福建雲霄總兵六年加都督僉事鎮汀州七年正月遣副將黃承國等擒斬



楊坊寨賊首楊昌期及偽官楊奇六月遣副將高守貴復石城縣降各寨賊又被衝天寨及紅石巖賊巢七月江西賊洪國王張白盛李安民等眾數萬犯邵武總督陳錦墩之綱援勦十一月三寧泰縣與巡撫張學聖兵合賊走江西據新城縣之老山嶺學聖大敗獲國王安民及其黨數十下部議叙八月移師勦土賊葛登標于寧化

縣之巫家湖斬獲無算九年冬自盛復犯延平邵武十年五月之綱勦擒之十二年敗延平積寇楊日炯楊成洪于大埠溪壠成洪中礮死日炯就擒叙功加都督同知十三年汀屬左龍坊妖婦謀不軌之綱斬之十五年三月以結交內監吳良弼納賄營私奉

旨逮問革職擬斬改流徙尚陽堡未至



道死

任珍列傳

任珍河南宜陽人明副將守河洲  
本朝順治二年英親王阿濟格追勦流賊  
李自成于陝西珍自河洲殲賊党收文武  
偽勅來降以副將銜隸總督孟喬芳標下  
三年漢中叛鎮賀珍糾賊党胡向宸等犯  
西安喬芳令珍守城西門鑿戟入晝夜乃


郤賊追敗之濠泗河尋與中軍陳德攻勦  
蒲城擒王交張伯復同副將王平攻克興  
安城賊渠孫守法竄湖廣是年叙功  
賜冠服鞍馬金幣令赴部擢用喬芳請由  
署固原總兵事四年授興安總兵時楚蜀  
未平興安爲羣盜出入之路北山南山土  
賊復肆逞喬芳奏增步騎四千屬珍鎮守  
胡向宸踞盤屋縣之黑水峪珍搗其巢遣



王平追擊潰眾斬向宸降將武大定自鳳翔叛突掠紫陽縣珍督兵擊走之賀珍寇漢中爲肅親王豪格擊敗竄郾襄連結石梁山賊穆大相米國軫李世英李應全王國賢等窺興安珍以兵迎擊于白土關賊敗遁竹谿倚山立寨進圍之斬國軫李世英師還擊北山賊李奎子鎮安魔王坪礮其眾五年穆大相等寇竹山珍遣兵擊走

獲其輜重賊復謀西掠漕船珍分遣遊擊王承光張室正設伏黃泥港自率精騎誘賊血戰伏發敗賊於應全進征石梁山陣斬國賢盡平賊壘賀珍遁入蜀大相竄匿山箐食盡其党俞尙智斬其首以獻六年蜀賊寇掠西鄉平利韓城諸邑珍分兵赴援自扼要隘截擊陣斬僞副將唐仲亨總兵焦資監軍鄧林春等械赴西安伏誅七






年督勦南山賊斬級無算抵階射賊渠  
 王大漢墜厓生擒之先是珍兩叙軍功晉  
 左都督至是復加太子太保遇  
 恩詔授三等子爵九年以疾解任還京隸  
 漢軍正黃旗十年二月追論珍在興安時  
 其家屬淫亂廩殺多人行咨兵刑二  
 部降世職為一等輕車都尉四月珍為其  
 婢許告被誦怨望言動狂悖諸罪狀下三

法司鞫訖論斬決籍沒兩奉

諭覆勘仍前議得

旨任珍曾立軍功從寬免死徙置遼陽其  
 子仍令襲職用昭法外之恩尋以其長子  
 宏祖襲一等輕車都尉



貳臣傳卷六終



庫 文 閣 內			
二 九 函		三 三	漢
三	二 〇	〇 四	書
架	冊	號	類